

355

春秋分記



詳校官監察御史_臣李陽棧

給事中_臣溫常綬覆勘

總校官原任中允臣王燕緒

校對官主簿臣汪日贊

謄錄監生臣張鴻仁

欽定四庫全書

春秋分記卷四十八

宋程公說撰

內魯第二

閔公

僖公

文公

閔公

謚澶在國遭難曰閔

名開莊公庶子莊公娶哀姜無子其婦叔姜所生立年八歲在位二年薨

經元年春王正月夏六月辛酉葬我君莊公秋八月

公及齊侯盟于落姑季子來歸 冬齊仲孫來

傳元年春不書即位亂故也 夏六月葬莊公亂故是

以緩

十一月乃葬

秋八月公及齊侯盟于落姑請復季友

也齊侯許之使召諸陳公次于郎以待之季子來歸嘉

之也 冬齊仲孫湫來省難書曰仲孫亦嘉之也仲孫

歸曰不去慶父魯難未已

時慶父已還魯

公曰若之何而去之

對曰難不已將自斃君其待之公曰魯可取乎對曰不可猶秉周禮周禮所以本也臣聞之國將亡本必先顛

而後枝葉從之魯不棄周禮未可動也君其務寧魯難而親之親有禮因重固間攜貳覆昏亂霸王之器也

經二年春王正月 夏五月乙酉吉禘于莊公 秋八

月辛丑公薨九月夫人姜氏孫于邾公子慶父出奔莒

冬齊高子來盟

傳二年夏吉禘于莊公速也初公傳奪卜齎田公不禁

公年八歲知愛其傳
遂成其意以奪齎田

蘭敏修曰閔公即位年八歲而公傳奪卜齎田是

舉也誰執其咎乎公之幼未能從宗廟之事也不以誅公之傳不以誅任政之臣而曰公不禁成王幼不能踐祚周公抗世子法於伯禽欲令成王之知父子君臣長幼之義也成王有過則撻伯禽所以示成王世子之道也左氏修周公之法不能舉是以繩之杜預又仍其繆陋矣

秋八月辛丑共仲使卜齋賊公于武闈成季以僖公適邾共仲奔莒乃入立之以賂求共仲于莒莒人歸之及

密使公子魚請不許哭而往共仲曰奚斯公子之聲也

乃縊 閔公哀姜之娣叔姜之子也故齊人立之共仲

通於哀姜哀姜欲立之閔公之死也哀姜與知之故孫

音遜于邾齊人取而殺之于夷以其尸歸僖公請而葬之

成季之將生也桓公使卜楚丘之父卜之曰男也其名

曰友在公之右在右言用事間于兩社為公室輔季氏亡則

魯不昌又筮之遇大有三乾下離上大有之乾三乾下乾上乾大有六五變

而為乾曰同復于父敬如君所及生有文在其手曰友遂

以命之成風

莊公妾
僖公母

聞成季之繇乃事之而屬僖公焉

故成季立之

僖公

謚澶
小心
畏忌曰僖

名申莊公子閔公庶兄成
風所生三位三十三年薨

經元年春王正月

秋七月戊辰夫人姜氏薨于夷齊

人以歸

傳在閔
二年

八月公會齊侯宋公鄭伯曹伯邾人于

櫓九月公敗邾師于偃冬十月壬午公子友帥師敗

莒師于鄆獲莒棼十有二月丁巳夫人氏之喪至自齊

傳元年春不稱即位公出故也公出復入不書諱之也

諱國惡禮也 秋九月公敗邾師于偃虛丘之戍將歸

者也

邾人既送哀姜齊人殺之因戍虛丘欲以謀魯

冬莒人來求賂

求還慶父之賂

公子友敗諸鄆獲莒子之弟棼非卿也嘉獲之也公賜季友汶陽之田及費夫人氏之喪至自齊君子以齊人之殺哀姜也為已甚矣女子從人者也

經二年春王正月 夏五月辛巳葬我小君哀姜 冬

十月不雨

傳在三年

經三年春王正月不雨 夏四月不雨六月雨 冬公

子友如齊涖盟

傳見齊

傳三年春不雨 夏六月雨自十月不雨至于五月不

曰旱不為災也

經四年春王正月公會齊侯宋公陳侯衛侯鄭伯許男
曹伯侵蔡蔡潰遂伐楚次于陘 秋及江人黃人伐陳
八月公至自伐楚 冬十有二月公孫茲帥師會齊人

宋人衛人鄭人許人曹人侵陳

傳見齊

經五年春杞伯姬來朝其子 夏公孫茲如牟公及齊

侯宋公陳侯衛侯鄭伯許男曹伯會王世子于首止傳見

齊

秋九月戊申朔日有食之無傳

傳五年春王正月辛亥朔日南至公既視朔遂登觀臺
以望而書禮也凡分至啟閉必書雲物為備故也 夏
公孫茲如牟娶焉

經六年春王正月夏公會齊侯宋公陳侯衛侯曹伯伐

鄭圍新城

傳見齊

冬公至自伐鄭無傳

經七年夏小邾子來朝 秋七月公會齊侯宋公陳世

子款鄭世子華盟于甯母

傳見齊

公子友如齊

無傳

經八年春王正月公會王人齊侯宋公衛侯許男曹伯

陳世子款盟于洮

傳見周

秋七月禘于大廟用致夫人

傳八年秋禘而致哀姜非禮也凡夫人不薨于寢不殯

于廟不赴于同

同盟

不祔于姑則弗致也

趙匡曰案元年哀姜稱夫人以薨明用夫人喪禮已

久矣何乃八年始致之乎

經九年夏公會宰周公齊侯宋子衛侯鄭伯許男曹伯

于葵丘 秋七月乙酉伯姬卒無傳九月戊辰諸侯盟于

葵丘齊傳見

經十年春王正月公如齊 冬大雨雪無傳

經十有一年夏公及夫人姜氏會齊侯于陽穀 秋八

月大雩無傳

經十有二年春王三月庚午日有食之無傳

經十有三年夏公會齊侯宋公陳侯衛侯鄭伯許男曹

伯于鹹

傳見齊

秋九月大雩

冬公子友如齊

傳無

經十有四年夏六月季姬及鄆子遇于防使鄆子來朝

傳見

鄆

經十有五年春王正月公如齊三月公會齊侯宋公陳

侯衛侯鄭伯許男曹伯盟于牡丘遂次于匡公孫敖帥

師及諸侯之大夫救徐

傳見齊

夏五月日有食之

秋

八月螽九月公至自會季姬歸于鄆

傳無

已卯晦震夷伯

之廟

傳十五年夏五月日有食之不書朔與日官失之也

秋九月震夷伯之廟罪之也於是展氏有隱慝焉

夷伯展氏

之祖
父

經十有六年春王正月 三月壬申公子季友卒 夏

四月丙申鄆季姬卒

秋七月甲子公孫茲卒

無傳

冬

十有二月公會齊侯宋公陳侯衛侯鄭伯許男邢侯曹

伯于淮

傳見齊

經十有七年夏滅項

秋夫人姜氏會齊侯于卞 九